

عدد — ۹۲

امور اداره و تحریریه و اعلانات و سائر
ایچون مدیر مسئوله مراجعت ایدملیدر .

عرفی امتک مقالات متصوفانه لرینه
جریده صوفیه نث صحیفه لری آجیتدر .
درج ایدملیان اوراق اعاده ایدلر .

جریده صوفیه

شیمدیلاک هفته ده بر نشر اولنور .

نسخه سی ۴۰ پاره در .

ابونه سی : بر سنه لک اعتبارله ممانک
عنائیه ایچون ۴۰ آلتی آیلنی ۲۵ غروش
ومالک اجنیه ایچون اون ایکی فرانقدر

محل اداره باب عالی جوارنده ابو السمود
جاده سندد نجم استقبال مطبعه سی

تصوفی ، دینی ، اخلاقی ، سیاسی جریده . لامیه در .

استفادات عظیمه در .

انواع محرمات و تخصیص ام الفساد بولنان « خر » دن بر تفصیل
باحث کتب جلیله شرعیه پک چوقدر بولنر میاننده بتون اصولونک
ایدی استفاده سنی ترین ایدن واولجه مندرجات متعلقه سندن بحث
ایدش بولنان اصول فقهدن « کشف بزدوی » نام اثر جلیل و مرغوب
ایله « راموز الاحادیث » نام کتاب شریفک و بولنک دوت جلد اوزرینه
مرتب شرحی تشکیل ایلان « راموز شرحی » [] نامنده کی اثر
برکترینک والیوم نسخه لرینه نادراً تصادف ایدیه کان « تین محارم »
نامنده کی کتاب جلیلاک مباحث متعلقه سنه مراجعتله ام الحیث بولنان
« خر » انواعه متعلق احکام جلیله شرعیه حقنده عرض و عمیق
معلومات آله بیلور .

موزه عسکری مدیری

مابعدی وار

احمد مختار پاشا

تراجم

ساقی خنخانه صمدانی بوسنوی الحاج محمد توفیق شعبانی

قدس الله سره

حامی نامیه مشهور اولان بو ذات مکرم قوش اطهلی ابراهیم
افندی حضرت تلیرنیک وارث اسرار کالاتیدر عن اصل بوسنوی اولوب
درس عادتده خسرو پاشا مرحومک خدمتده بولندی صروده بر صاحب
فیضک مظهر کالی اولوق ایچون اون قدر شیخک مجلس صحبت لرینده
بولمش و نهایت طریق سعیدن ات یز درکاهی شیخدن تربیه طریقت
کورمکه باشلا یوب نقبا اولمشدر بالآخره مشار الیه خسرو پاشا دالائیه
شیخ ابراهیم افندی به انتساب ایده رک استعداد ذاتیسی ایجابی نائل
فیض و کمال اولدیلر صورت انتساب لرینده کی اسرارک بحی پک
خوش اولوب کرچه بدایه ات یز شیخی پک سودیکی مریدینک بو
حرکتی موافق کورماش ایسه ده او زمان آستانه حضرت سنبده
بوست نشین اولان راضی افندی حضرت تلیرنیک دالائیه مشله بر طرف
ایدلشدی ات یز شیخک انتقالیه محمد توفیق افندی بوراده بر مدت
وکالت مشیخته بولندقلری کی قوش اطهلی حضرت تلیری جانب حجازه
عزیمتده کندیلری اخوان طریقتک تربیه و تسلیک لرینه مأمور
بیورمشدر مشار الیه حامی دینلمسی زیرک حاتمک صاحب اولمشدر

[*] « راموز الاحادیث » لسان عرب اوزره یازلمش و مطبوع در فضلای
بنامدن کشخانه لی ضیاء الدین افندی مرحومک آریدر . مشار الیه بو اثر شریفه برده
« راموز شرحی » نامیه درت جلد اوزرینه بر شرح یازمشدرکه بوده مطبوع در .
هراکینسی صحائفه موجوددر . مع هذا آرزو بیوران ذوات باب عالی جوارنده
کشخانه لی مرحومک مقام ارشادی بولنان فاطمه سلطان درگاه شریفه مراجعت
ایدرینه - شرط واقف موجبنجه اصولی دائره سنده بال دوام طبع خطالرینی تصحیح
الک شریطیه مذکور ایکی کتابی مجانبه تدارک ایدم بیلورل .

فضل و عرفانی وطریق ریاضتده کی مسلکی پک مشهوردر . اتوار فیضدن
حصه مند اولوق امایله مجلس عرفانیه داخل اولانلرک عددی مهم بر
یکونه بالغ اولمشدی کندیلری باشایچه بزدرگاه صاحبی اولمیوب ابراهیم
افندی حضرت تلیرنیک صوکره یکرمی سنه معمر اولمشلر و ۱۲۸۲ ده
عالم بقایه انتقال ایشلردر قبر شریفلری اسکدارده عنایه ده تالیجه چی
خایل افندی [۱] درگاه شریفی حظیره سنده در زیارتکده عاشقاند .
حامی حضرت تلیری بین الاخوان بیوک عزیز نامیه یاد اولمقده در .
غایت ضعیف اوزون بویلی ، صقاللری سیرک و بیاضه قریب و اوزونجه
وجها طویلیجه ، الا کوزلی ، اینجه پارمقلی اکثر خالد حلیتی بعضاً
جلالی غالب ایدی بیاض عراقیه اوزرینه آتانی صاریق صارارلر
یوررکن اوکنه مانل برحاله بولنورلر مش . حین انتقال لرینده التمش
اوپ یاشنده ایدی عرفان جلیل محمدی به مالک اولدقلرندن مجلس صحبت لرینده
هرکسی حیران ایدرلر مش مکتوبات علیه لری جدأ پک مهم اولوب اخیراً
جمع و تانیق ایدلشددر هربری بر خزینه معرفتدر برینک عیناً نقلی
مناسب کوردلدی :

المد رب والرب عبد بآیت شعری من الکف

انکات عبد فهو میت وان نک رب کیف یکف

بوکلام شریف محی الدین عربی قدس اه سره حضرت تلیرنیکدر ذوقاً
بیانور حال اتدن اولدیغندن محجوب اولانلر بوکلتی انکار ایدر و کفر کورر
تاویله محتاجدر زیرا متشابهاتندر بسم الله (لا یعلم تاویله الا الله والراسخون
فی العلم) آیت کریمه سنده شرفوارد اولدیغنی کی بو علم شریف وهییدر .
حصولنده اراده و تدبیر فائده ایتمز الهامات الهیه به مخصوص صدر یا خود کاملدن
ایشیدوب اعتقاد ایتک ایله اولور . بسم الله (ان فی ذلک لذکری ...) الح
الایه بحمدہ تعالی محققین و کاملیندن استماع و استعداد منر حسیله
ذوقر شویله درکه عالم غیب و شهادت اعتباری محجوبه کوره غیب عارفه
کوره شهادتدر (التوحید اسقاط الاضافات) سری آیینجه قولی حق
حق قول کورر محجوبیتی حالنده اولان تطبیق ایدیم دیرایسه شاشیر
قالیر مکلف کیمدر دیه دوشنور مکلف قولدر دیه جک اولور ایسه
وجود حقندن غیری بی یوق کورر زیرا سر توحید اچلمش اولور رتیز
تعالی حضرت تلیرنیک شریکی و نظیری اولدیغنی ذوقاً بیلیر لیکن حجاب
حالی بالکلیه اوستوندن رفع اولدیغندن حق تعالی جل شانہ نیجه مکلف
اوله بیلیر دیر وحدتده اجایر کثرتده قبایر تجلی وحدت ظهورنده
طاشیر و کثرتده شاشیر خدمتدن قاجینیر سالک بو حالد قالمق بر زخدر
چاره سی رابطه دقت و عزیمتی آتیرمقدر تا که شرک اخفادن خلاص
یاب اوله انشاء الله . زیرا مشرکین یری جهنمدر بسم الله (فذوقوا بما
نسیتم لقاء یومکم هذا) الایه . چله ظهورنده قوجومنه توحیدده
قصور مزدن کلیر کوریم سزی رابطه اوزره کوزل عزیمت ایله مسکن

[*] مشار الیه انطا لیه ساکن وهاب امی نام عزیزک خلیفه سی اولوب
(ختم ۱۰۴۰) ده ارتحال ایلکله بانیسی اولدیغنی بودرگاه شریفه تربیه مخصوصده
کتاب وجودی حفظ اولمشدر غایت صلاح حاله مالک و حسن خط صاحبی ایشیه
حسرت هدایینک مظهر حرمت و محبتی اولدیغنی مقلودر قدس اه سره

تاكه سزكه كوروشنلر دنى سلامت بوله والسلام على من اتبع الهدى
مشاراليه حقيقه كلستان وحدتك بلبل ايش قدس اه سره

حسين وصاف

ادبيات

مناظره اعضاى نشر

اعضا ايدرك جهلى دعواى تقدم
هر عضو بدن قباى شكايته نظم

الذاول آياقلىر ايدوب آناز تكلم
حقاكه بزمدرد ديدلر امر تحكم

تحريرك ايدورز جمله كزى ايشته بو معلوم
اعمالكز ، امالكز اولمش بزده محكوم

الار ديدى الله ايجون اولسون ايدك انصاف
بز اولمسهق امالكزى كيم ايدر اسعاف

ديشدر ديدى كيم عدليدر كيم اولنور حق
تسليم ايديكز امرتفوق بزده ابيق

— اولدم آتيلوب ذائقه بسط ايتدى مقالات
دعواى تقدم سزه شايشته مى هيئات

بن اولمسه اذواق عجب كيم طاداجقدر
هر طاتلى ، آجى طوزلى الداده جقدر

— حيفاكه بنى كورميوب ايتكمده سكر لاف
شم اولمه اولمزدى روايحه بو ايلاف

بينيدر ايدن درك مزايى روايح
بينيدر ايدن ترك خيئات وقبايح

— ايواه ! ديدى سامعه هيچ يوقى عدالت
انسان نهى ادراك ايدر اولمزه بو آلت

اسرار كلامى بيله مز ذائقه وشم
شايشته بورجهان بكسزن بنم اقدام

— كوزلر ديدى انسان بصيرت كجى يوقدر
اشيائى تماشا ، اوسعادت كجى يوقدر

ادراك معالى اوزم قدرتمزدر

رويتله تعالى اوزم قسمتمزدر ..

بز اولمسهق آيانه چيتار سزدن اى اعضا

سز حجت رجحان بز آكا مهر ايله امضا

— لمس آلاى اله رسته دعواى اوزاتدى ،
بيهوده اوده سفسطهلر يابدى سوز آتدى

بن اولمشم اولسم ديدى قابلى بو احساس
محتاج ، بنم جسمه عالمده بتون ناس

ديركن سوزنى كسدى اسان قالمادى برهان

— دعواى تحكم ديدى آتجق بكا شايان

بن واسطه ناطقه آذ ميانم

بن رابطه ضابطه حكم جهانم .

مابعدى وار صاربيار : رجب وحي

كلاه مولوى

نور مشكات طريققدر كلاه مولوى

فيض مصباح حقيققدر كلاه مولوى

حققادر ، حق ايقان ايله بن عارفلره

سرة الوفاى واصلقدر كلاه مولوى

قدوة ارباب طاعت ، عمده اهل يقين

نخبه اعيان امتدر كلاه مولوى

اصل پاكي ذات لولاكيه ايلر اقتران

رمز قرب مغويتدر كلاه مولوى

سرور هر دو سرايه نسبتدن آل خبر

پر معالى ، بر بشارتدر كلاه مولوى

كله دن وحي نبوت كسب ايله مشغول ايدى

حب دارينه دلالتدر كلاه مولوى

صاحب خلق عظيم ايلردى كه رعى حمل

سبر سيرت ، فيض فطرتدر كلاه مولوى

حضرتك اولدم سر نور افسرين تنويج ايدن

پشم اشتردن كنایتدر كلاه مولوى

آكلادكمى قدر عال العالى اى بو الوفا

منزلت پيراي عزتدر كلاه مولوى

شهير جبريل تيردر اوسته اعزاز ايله

باق ! نه سرپوش سعادتدر كلاه مولوى

امثالاً ايله دى صديق اعظم تاج سر

پرتو مهر صداقتدر كلاه مولوى

نجل پاكي حضرت رومى به ايتدى انتقال

اك ميجل بر وراثتدر كلاه مولوى

رأس مولانه قوندى ، اولدى هر مو ، لانه ساز

بر هوى سر مديتدر كلاه مولوى